

INFORMACIÓN PÚBLICA

Expediente: A/36/06360.

Asunto: Solicitud de autorización de obras.

Peticionario: Ayuntamiento de O Rosal.

N.I.F. nº: P3604800G.

Domicilio: Pl. do Calvario, 1 - 36770 - O Rosal (Pontevedra).

Punto de emplazamiento: Medas.

Término municipal y provincia: O Rosal (Pontevedra).

Destinatario: Saneamiento.

Breve descripción de las obras y finalidad

Las obras consistirían en la ejecución de las obras de saneamiento en la margen derecha de la zona de policía y dominio público hidráulico de un arroyo innominado del afluente del río Tea por la margen derecha en Medas, término municipal de O Rosal (Pontevedra).

Lo que se hace público para general conocimiento por un plazo de treinta días, contados a partir del siguiente a la fecha de publicación del presente anuncio en el Boletín Oficial de la provincia de Pontevedra, a fin de que los que se consideren perjudicados con lo solicitado, puedan presentar sus reclamaciones, durante el indicado plazo, en el ayuntamiento de O Rosal, o en la Confederación Hidrográfica del Miño-Sil (Comisaría de Aguas, Progreso, 6 32071-Ourense), donde estará de manifiesto el expediente.—El Jefe del Servicio, José Alonso Seijas.

2009002603

Diputación Provincial

RESOLUCIÓN PRESIDENCIAL

A Presidencia, en uso das facultades que lle confire a normativa local vixente, dita a seguinte

R E S O L U C I Ó N

Por R.P. de data 13 de xullo de 2007 nomeáronse Presidentes e Vicepresidentes efectivos das Comisiones Informativas.

Resultando que na sesión plenaria de 4 de marzo de 2009 tomou posesión como Deputada Provincial Dona Francisca Canal Gómez en substitución de Dona María Corina Porro Martínez, e a proposta das respectivas Comisiones Informativas tras a correspondiente elección efectuada na sesión de data 18 de marzo,

R E S O L V O ,

1.—Nomear Vicepresidentes efectivos das Comisiones Informativas seguintes ós Srs/as. Deputados:

- Comisión Informativa de Economía Facenda e Turismo: D. Jesús Vázquez Almuíña
- Comisión Informativa de Recursos Externos, Promoción Económica, Emprego e Comercio: Dª. Francisca Canal Gómez.
- Comisión Informativa de Réxime Interior e Persoal: Dª. Francisca Canal Gómez.

2.—Queda modificada neste sentido a R.P. de data 13 de xullo de 2007.

Da presente resolución darase conta ó Pleno na primeira sesión que celebre, e ós interesados, publicándose no Boletín Oficial da Provincia, sen prexuízo da súa efectividade dende o día de hoxe.

Pontevedra, 14 de abril de 2009.—O Presidente, ilesible.—O Secretario, ilesible. 2009004058



A Y U N T A M I E N T O S

V I G O

A N U N C I O

O Pleno do Excmo. Concello de Vigo, en sesión ordinaria de 30 de marzo de 2009, adoptou o seguinte acordo:

Primeiro: Con base no informe-proposta da Técnica da Administración Xeral da Área de Mobilidade, Transportes e Seguridade de 9 de marzo de 2009, transcrita na parte expositiva deste acordo, desestimar integralmente a alegación presentada en data 17.02.2009, con doc. nº 90.021.916, por Don Samuel Pousada Soaje, con DNI 78735860-Y, actuando en calidad de Presidente da Asociación de Pontevedra de Empresarios de Salas de Espectáculos e Discotecas.

Segundo: Con base no informe-proposta da Técnica da Administración Xeral da Área de Mobilidade, Transportes e Seguridade de 9 de marzo de 2009, transcrita na parte expositiva deste acordo, estimar as alegacións presentadas en data 20.02.2009, con doc. nº 90.024.017, por Don Luís Espada Recarey, Valedor do Cidadán.

Terceiro: Con base no informe-proposta da Técnica da Administración Xeral da Área de Mobilidade, Transportes e Seguridade, transcrita na parte expositiva deste acuerdo, aprobar as modificacións de oficio que se propoñen no devandito informe.

Cuarto: Aprobar definitivamente a Ordenanza Municipal reguladora da convivencia cidadá e o ocio (exp. nº 75607/210/2008), co texto que se transcribe ao final deste acordo, no que se incorporan as correccións derivadas da estimación das alegacións presentadas e as propostas de oficio.

Quinto: Ao abeiro do disposto nos artigos 70.2 Lei 7/1985, do 2 de abril, reguladora das bases de

réxime local e 196.2 do ROF (RD 2568/1986), publicar este acordo e o texto íntegro da Ordenanza no BOP, entrando en vigor aos quince días hábiles desta publicación.

Sexto: Segundo o previsto nos artigos 1, 10.1.b), 25.1 e 46.1 da Lei 29/1998, do 13 de xullo, reguladora da xurisdición contencioso-administrativa, 107.3, 109 e concordantes da Lei 30/1992, do 26 de novembro, de réxime xurídico das administracións públicas e do procedemento administrativo común, 52 da LRBRL 7/1985 e 209 e ss. do ROF, o acordo de aprobación definitiva da Ordenanza pon fin á vía administrativa e contra esta disposición xeral non caberá recurso nesta vía, podéndose interpoñer directamente, por quien se considere lexitimado/a, recurso contencioso-administrativo perante a Sala do mesmo nome do Tribunal Superior de Xustiza de Galicia no prazo de dous meses contados desde o día seguinte ao da publicación íntegra da disposición recorrida; sen prexuízo da súa impugnación indirecta, conforme cos artigos 26 e 27 da LRXPAC 30/1992, e da interposición polo/a interesado/a de calquera outro recurso que estime procedente conforme a Dereito.

A Ordenanza municipal reguladora da convivencia cidadá e o ocio no termo municipal de Vigo, ten o seguinte teor literal:

ORDENANZA MUNICIPAL REGULADORA DA CONVIVENCIA CIDADÁ E O OCIO DO TERMO MUNICIPAL DE VIGO

EXPOSICIÓN DE MOTIVOS

A utilización masiva dos espazos públicos como lugares de diversión xuvenil para o encontro e o ocio, mediante o coñecido “botellón”, constitúe un fenómeno social de moda que, en moitos casos, é fonte de diferente problemática que incide no normal desenvolvemento da convivencia cidadá.

Estas concentracións de persoas son a causa dunha contaminación múltiple xa que producen ruídos de elevada intensidade e un cúmulo de residuos, e ata contaminación visual en lugares históricos. Estes comportamentos impiden que outras persoas poidan transitar libremente polas rúas e demás espazos públicos, disfrutando das zonas de espallamento. Asemade, en ocasións chegan a producirse graves danos en bens públicos ou privados, sendo ás veces de indubidable valor histórico.

Polo exposto, estas concentracións, expresión do dereito fundamental de reunión establecido no artigo 21 da Constitución Española (CE), deben ter o seu límite no respecto doutros dereitos constitucionais como son o dereito á intimidade persoal e familiar (art. 18 CE), o dereito á liberdade de circulación (art. 19 CE), o dereito á salubridade e saúde pública, especialmente dos menores (art. 43 CE), o dereito a disfrutar dun medio ambiente adecuado para o desenvolvemento da persoa (art. 45 CE) e

mailo dereito a una vivenda digna e adecuada, libre de ruídos (art. 47 CE).

Cada día é máis demandada polos distintos colectivos e veciños das zonas afectadas, a intervención municipal para solventar as consecuencias prexudiciais que veñen padecendo. Corresponde á Administración Municipal no exercicio das competencias que lle atribúe a Lei 7/1985, de 2 de abril, reguladora das Bases de Réxime Local (LRBRL), a Lei 5/1997, de 22 de xullo, de Administración Local de Galicia e demais lexislación sectorial aplicable, evitar comportamentos incívicos que se produzcan en prexuízo grave da cidadanía, cando esta non teña o deber xurídico de soportalos. Nesta liña, estímase pertinente regulamentar a actividade dos usuarios dos espazos públicos, evitando unha utilización excluínte e abusiva dos mesmos que perturbe a normal convivencia cidadá.

Partindo da premisa de que a Administración Pública debe servir con obxectividade os intereses xerais, tal e como establecen os artigos 103.1 da CE e 3.1 da Lei 30/1992, de 26 de novembro, do Réxime Xurídico das Administracións Públicas e do Procedemento Administrativo Común (LRXPAC), a fundamentación legal para a elaboración desta Ordenanza é a seguinte:

Os Concellos poden intervir a actividade da cidadanía a través da emisión de Ordenanzas Municipais no exercicio da súa potestade regulamentaria segundo establecen os arts. 4.1.a) e 84.1.a) da LRBRL.

Ao abeiro do disposto no art. 1 do Regulamento de Servizos das Corporacións Locais, os Concellos, no exercicio da súa función de policía, poderán intervir a actuación dos seus administrados, cando exista perturbación ou perigo de perturbación grave da tranquilidade, seguridade, salubridade ou moralidade cidadás, co fin de restablecelas ou conservalas.

En canto á potestade de establecer infraccións e sancións mediante Ordenanza Municipal, existe cobertura legal no Título XI da Lei 57/2003, de 16 de decembro, de Medidas para a Modernización do Goberno Local que modifica a LRBRL 7/1985, cuxo art. 139 establece que “para a axeitada ordenación das relacións de convivencia de interese local e do uso dos seus servizos, equipamentos, infraestruturas, instalacións e espazos públicos, os entes locais poderán, en defecto de normativa sectorial específica, establecer os tipos de infraccións e imponer sancións polo incumprimento de deberes, prohibicións ou limitacións contidos nas correspondentes Ordenanzas, de acordo cos criterios establecidos nos artigos 140 e 141”.

Esta previsión configura cobertura legal suficiente para cumplir a reserva legal do mandato de tipificación e dar resposta completa ao artigo 25 da CE.

TITULO I
DISPOSICIÓN XERAIS

ARTIGO 1.—FUNDAMENTO DA ORDENANZA

Esta Ordenanza é de aplicación en todo o termo municipal de Vigo e ten o seu fundamento na defensa do dereito á intimidade persoal e familiar, no dereito á liberdade de circulación, no dereito á salubridade e saúde pública, especialmente dos menores, no dereito a disfrutar dun medio ambiente adecuado para o desenvolvemento da persoa e no dereito ao descanso, tranquilidade da veciñanza e inviolabilidade do domicilio.

ARTIGO 2.—MARCO LEGAL

O marco normativo dentro do que se desenvolve esta Ordenanza ven establecido por :

- Declaración Universal dos Dereitos Humanos.
- Constitución Española de 27.12.1978.
- Lei 30/1992, de 26 de novembro, de réxime xurídico das administracións públicas e do procedemento administrativo común (modificada pola Lei 4/1999, de 13 de xaneiro).
- Lei 7/1985, de 2 de abril, reguladora das bases de réxime local e demais disposicións regulamentarias.
- Lei 5/1997, de 22 de xullo, de administración local de Galicia.
- Lei 57/2003, de 16 de decembro, de medidas para a modernización do goberno local.
- Lei 14/1986, de 25 de abril, xeral de sanidade.
- Lei 2/1996, de 8 de maio, sobre drogas de Galicia.
- Lei orgánica 1/1992, de 21 de febreiro, de protección da seguridade cidadá.
- Lei orgánica 9/1983, de 15 de xullo, reguladora do dereito de reunión.
- Lei 10/1998, de 21 de abril, de residuos.
- Lei 10/2008, de 3 de novembro, de residuos de Galicia.
- Lei 13/2006, de 27 de decembro, reguladora dos horarios comerciais de Galicia.
- Lei 37/2003, de 17 de novembro, do ruído e demais disposicións regulamentarias.
- Lei 7/1997, de 11 de agosto, de protección contra a contaminación acústica de Galicia e demais disposicións regulamentarias.

ARTIGO 3.—OBXECTO DA ORDENANZA

O obxecto da presente Ordenanza é regulamentar a utilización dos espazos públicos pola cidadanía, evitando usos excluyentes e abusivos de ditos espazos que alteren gravemente a convivencia cida-

dá. Preservarase o espazo público como un lugar de convivencia e civismo, onde todas as persoas podan desenvolver en liberdade as súas actividades de libre circulación, ocio, encontro e recreo, con pleno respecto á dignidade e aos dereitos dos demás.

ARTIGO 4.—EXCLUSIÓNS

Sen prexuízo do cumprimento das normas aplicables en materia de orden público e de seguridade cidadá, así como as relativas a espectáculos públicos e actividades recreativas, quedan excluídas do ámbito de aplicación desta Ordenanza:

1) A permanenza durante o horario establecido regulamentariamente de persoas en espazos abertos destinados a terrazas e veladores de establecementos públicos sometidos á normativa aplicable en materia de espectáculos públicos e actividades recreativas.

2) A permanencia de persoas en espazos abertos do termo municipal destinados á celebración de festas e feiras locais, verbenas populares, así como manifestacións de carácter relixioso, político, sindical, docente, turístico, cultural ou análogo.

3) O exercicio dos dereitos de reunión e manifestación, debidamente comunicados conforme á lexislación vixente.

ARTIGO 5.—ACTIVIDADES PROHIBIDAS

1) Prohibese a permanencia e concentración de persoas en espazos abertos do termo municipal que se atopen consumindo bebidas de calquera tipo ou realizando outras actividades, cando alteren gravemente a pacífica convivencia cidadá, considerada como tal nos termos desta Ordenanza.

Enténdese por espazo abierto toda vía pública, zona ou área ao aire libre de dominio público ou patrimonial das Administracións Públicas.

2) Nos establecementos públicos de consumo inmediato de bebidas tales como discotecas, pubs, bares, café-bares, etc, as bebidas deberán consumirse no interior de ditos establecementos, quedando prohibido o consumo das mesmas na vía pública, agás terrazas autorizadas de acordo coa Ordenanza Municipal reguladora da instalación de terrazas na vía pública, aprobada polo Pleno do Concello de Vigo na sesión ordinaria de 28.04.2008.

Os titulares dos establecementos públicos que permitan a consumición das bebidas que expenden fóra do seu establecemento e dos lugares autorizados, serán considerados responsables, por cooperación necesaria, das molestias que se puidesen producir, e como tal seralles de aplicación o réxime sancionador establecido na Ordenanza Municipal de protección do medio contra a contaminación acústica producida pola emisión de ruídos e vibracións.

3) Prohibíbase nas vías públicas a distribución e subministración de bebidas, áinda desde vehículos automóbiles, caravanas, barracas ou similares, ben a título oneroso ou gratuito, agás supostos autorizados expresamente polo Concello.

4) Prohibíbase a venda, distribución ou subministración de bebidas alcohólicas nos establecementos públicos que carezan de autorización a tal fin.

5) Ao abeiro do disposto no art. 13.1 da Lei 2/1996, de 8 de maio, de drogas de Galicia, non se permite a venda ou subministración de bebidas alcohólicas a menores de 16 anos, ou no caso de bebidas alcohólicas de máis de 18 grados centesimais aos menores de 18 anos.

6) Ao abeiro do disposto no art. 13.2 e 3 da Lei 2/1996, de 8 de maio, de drogas de Galicia, non se poderá vender ou subministrar bebidas alcohólicas en:

- Locais e centros preferentemente destinados a menores de 18 anos.
- Centros culturais.
- Centros educativos que imparten educación primaria e educación secundaria ou outras ensinanzas de nivel equivalente.
- Instalacións deportivas.
- Centros sanitarios.

Non se permitirá a venda ou subministración de bebidas cunha graduación alcohólica de máis de 18 grados en:

- Centros de educación superior e universitaria.
- Dependencias das administracións públicas.

7) Ao abeiro do disposto no art. 13.4 da Lei 2/1996, de 8 de maio, de drogas de Galicia, a venda ou subministración de alcohol por medio de máquinas automáticas só poderá realizarse en lugares pechados, debendo constar na superficie frontal da máquina a prohibición do seu uso por menores de 18 anos.

8) Ao abeiro do disposto no art. 10 da Lei 13/2006, de 27 de decembro, reguladora dos horarios comerciais de Galicia, o Concello poderá acordar de maneira singularizada, por razóns de orden público, impoñer aos establecementos comerciais que inclúan na súa oferta bebidas alcohólicas, a prohibición de expender este tipo de bebidas desde as 22:00 horas ata as 09:00 do día seguinte, con independencia do réxime de apertura que lles sexa de aplicación. A imposición desta prohibición comunicarase á Dirección Xeral competente en materia de comercio.

ARTIGO 6.—ZONAS PROTEXIDAS

1) Corresponde ao Concello, por acordo da Xunta de Goberno Local, determinar cando as acti-

vidades ás que se refire o art. 5.1) da presente Ordenanza alteran gravemente a convivencia cidadá.

Considerarase alterada gravemente a convivencia cidadá, cando concorran varias das seguintes circunstancias:

a.—Alto número de persoas concentradas nos espazos abertos. O elevado número de persoas estará en relación coa superficie do espazo e mailo número de vivendas existentes no entorno.

b.—As concentracións terán carácter continuado no tempo, non considerándose as concentracións de persoas ocasionais ou puntuais.

c.—Existencia de reiteradas queixas cidadás, denunciando as molestias derivadas de ditas concentracións.

d.—Existencia de actos vandálicos producidos na zona que ocasionasen danos en bens públicos ou privados.

e.—Informes municipais constatando a contaminación derivada da masiva concentración de persoas (contaminación acústica, problemas hixiénicos-sanitarios ou situacións de insalubridade).

2) A Xunta de Goberno Local declarará como zonas protexidas, os espazos abertos onde as concentracións reiteradas de persoas alteren gravemente a pacífica convivencia cidadá segundo o establecido no apartado anterior.

3) Unha vez declaradas, as zonas protexidas serán sinalizadas verticalmente, quedando prohibido nas mesmas, a permanencia e concentración de persoas consumindo bebidas de calquera tipo ou realizando outras actividades.

TÍTULO II

MEDIDAS PREVENTIVAS

ARTIGO 7.—DE INFORMACIÓN, EDUCACIÓN E ORIENTACIÓN

O Concello desenvolverá políticas de fomento da convivencia e o civismo co fin de acadar que as condutas e actitudes da cidadanía se adecúen aos estándares mínimos de convivencia co obxectivo de garantir o civismo e de mellorar a calidade de vida no espazo público da nosa cidade.

O Concello facilitará á cidadanía asesoramento e orientación sobre a prevención do consumo abusivo de alcohol e outras substancias e, no seu caso, do tratamento de situacións de adicción e dos problemas derivados do seu consumo.

Con tal fin promoverá e impulsará campañas informativas, especialmente dirixidas á xuventude, para concienciar á cidadanía sobre os nocivos efectos do consumo abusivo de alcohol e outras substancias, a fin de modificar hábitos e actitudes en relación co seu consumo. Asemade, dentro das accións de prevención, o Concello fomentará o diálo-

go con organizacións xuvenís, organizacións de pais e nais e organizacións veciñas.

O Concello, desde o Plan Municipal de Drogas, promoverá actuacións de sensibilización, educativas e formativas que potenciarán entre os nenos e xóvenes, e a poboación en xeral, o valor da saúde no ámbito individual e social.

ARTIGO 8.—OCIO ALTERNATIVO

O Concello elaborará un Plan de actividades lúdico-culturais e deportivas co obxecto fundamental de ofrecer aos mozos e mozas da cidade de Vigo unha alternativa ao ocio como medida de preventión no consumo abusivo de alcohol e demais drogas.

TÍTULO III RÉXIME SANCIONADOR

ARTIGO 9.—PRINCIPIOS XERAIS

O réxime sancionador desta Ordenanza réxese polos principios contidos na Lei 30/1992, de 26 de novembro, do réxime xurídico das administracións públicas e do procedemento administrativo común e no Real Decreto 1398/1993, de 4 de agosto, polo que se aproba o regulamento do procedemento para o exercicio da potestade sancionadora.

ARTIGO 10.—DEREITOS DO PRESUNTO RESPONSABLE

Ao abeiro do disposto no artigo 135 da Lei 30/1992, de 26 de novembro, do réxime xurídico das administracións públicas e do procedemento administrativo común, o procedemento sancionador garantirá ao presunto responsable os seguintes dereitos:

- A ser notificado dos feitos que se lle imputen, das infraccións que tales feitos poidan constituir e das sancións que, no seu caso, se lles puiden imponer, así como da identidade do instrutor, da autoridade competente para imponer a sanción e da norma que atribúa tal competencia.
- A formular alegacións e utilizar os medios de defensa admitidos polo Ordenamento Xurídico que resulten procedentes.
- Os demais dereitos recoñecidos polo artigo 35 da Lei 30/1992.

ARTIGO 11.—COMPETENCIA PARA SANCIONAR

O exercicio da potestade sancionadora corresponde á Xunta de Goberno Local segundo o artigo 127.1.L) da Lei 7/1985, de 2 de abril, reguladora das bases de réxime local, e por delegación desta á Concellería de Medio Ambiente.

ARTIGO 12.—POLICÍA ADMINISTRATIVA

Na súa condición de policía administrativa, a policía local, de acordo co disposto nos artigos 8.1.d) da Lei 4/2007, do 20 de abril, de coordinación de policías locais de Galicia, e 53.1.d) da Lei Orgánica 2/1986, de 13 de marzo, de forzas e corpos de seguridade, é a encargada de velar polo cumprimento desta Ordenanza, denunciando, cando proceda, as condutas que sexan contrarias á mesma.

ARTIGO 13.—PRESUNCIÓN DE VERACIDADE

Nos procedementos sancionadores que se instrúan por aplicación desta Ordenanza, os feitos constatados polos axentes da autoridade terán valor probatorio, sen prexuízo das probas que poidan aportar os interesados.

Aos efectos de poder incoar o correspondente procedemento sancionador, os axentes da autoridade requirirán á persoa presuntamente responsable para que se identifique. De non se conseguir a identificación da persoa que cometera a presunta infracción, os axentes da autoridade poderán requirila para que, ao obxecto de incoar o correspondente procedemento sancionador, os acompañe ás dependencias próximas que contén con medios adecuados para realizar as dilixencias de identificación, a estes únicos efectos e polo tempo imprescindible, informando á persoa infractora dos motivos do requerimento de acompañamento.

ARTIGO 14.—RESPONSABILIDADES

De acordo cos principios que rexen a potestade sancionadora, só poderán ser sancionados por feitos que constitúan infraccións ao disposto na presente Ordenanza, as persoas físicas ou xurídicas que resulten responsables dos mesmos, aínda a título de simple inobservancia.

No suposto de accións cometidas por menores de idade, os pais, as nais ou as persoas que resulten legalmente responsables dos mesmos, serán responsables civís subsidiarios dos danos e prexuízos que se deriven das accións dos menores.

Sen prexuízo da responsabilidade civil subsidiaria dos pais, nais, titores ou gardadores polas accións cometidas polos menores de idade que dependan deles, aqueles serán tamén responsables directos e solidarios das infraccións cometidas polos menores de idade, sempre que, pola súa parte, conste dolo, culpa ou neglixencia, incluída a simple inobservancia.

ARTIGO 15.—DAS INFRACCIONES

As infraccións administrativas contra a presente Ordenanza clasifícanse en moi graves, graves e leves. Esta clasificación establecese atendendo aos criterios establecidos no art. 140 da Lei 7/1985, de 2 de abril, reguladora das bases de réxime local, in-

troducido pola Lei 57/2003, de 16 de decembro, de modernización do goberno local.

ARTIGO 16.—INFRACCIONES MOI GRAVES

Constitúen infraccións moi graves:

1) As accións u omisións constitutivas de conductas obstrucionistas ás tarefas de control, investigación ou sanción dos axentes da autoridade e poderes públicos no exercicio das súas funcións competenciais para o cumprimento da presente Ordenanza.

2) O incumprimento das ordes ou requerimentos específicos formulados polas autoridades municipais ou seus axentes en directa aplicación do disposto nesta Ordenanza.

3) O impedimento do uso dun servizo ou espazo público por outra u outras persoas con dereito á súa utilización.

4) O impedimento ou a grave e relevante obstrucción ao normal funcionamento dun servizo público.

5) Os actos de deterioro grave e relevante de equipamentos, infraestruturas, instalacións ou elementos dun servizo público.

6) Os actos de deterioro grave e relevante dos espazos públicos ou de calquera das súas instalacións e elementos, sexan móbiles ou inmóbiles, non derivados de alteracións da seguridade cidadá.

7) Distribuír ou subministrar bebidas na vía pública, áinda desde vehículos automobis, caravanas, barracas ou similares, ben a título oneroso ou gratuito, agás supostos autorizados expresamente polo Concello.

8) A comisión no termo dun ano de mais dunha falta grave cando a primeira delas se declarara firme en vía administrativa.

ARTIGO 17.—INFRACCIONES GRAVES

Constitúen infraccións graves:

1) As concentracións de persoas en espazos abertos do termo municipal, declarados como zonas protexidas, que se atopen consumindo bebidas de calquera tipo ou realizando outras actividades, cando alteren gravemente a pacífica convivencia cidadá.

2) A mera obstrución ao normal funcionamento dun servizo público.

3) A realización de actos que ocasionan danos ou estragos ao mobiliario ou equipamento urbano impidiendo o seu uso, xa sexa provisional ou definitivamente.

4) A práctica de xogos nos espazos abertos que implicaren un risco relevante para a seguridade de persoas ou bens, e, especialmente, a circulación temeraria con patíns ou monopatíns por beirarrúas ou lugares destinados aos peóns. Nestes casos, os axentes da autoridade informarán, en primeiro

lugar, a estas persoas de que ditas prácticas están prohibidas. Se a persoa persistira na súa actitude, procederase a realizar a denuncia correspondente e intervirase cautelarmente o xogo, monopatín, patín ou similar con que se houbese producido a conduta.

5) A comisión no termo dun ano de mais dunha falta leve cando a primeira delas se declarara firme en vía administrativa.

ARTIGO 18.—INFRACCIONES LEVES

Constitúen infraccións leves:

1) Realización de actos que ocasionen danos ou estragos no mobiliario ou equipamento urbano pero non impiden o seu uso, tales como pintadas, graffitis, rezalos, etc.

2) Utilización dos espazos públicos ou dos seus elementos para usos distintos da súa finalidade tales como bañarse ou lavarse nas fontes públicas, estanques ou similares; acampar nas vías ou espazos públicos, acción que inclúe a instalación nestes espazos de tendas de acampada, vehículos autocaravanas, caravanas ou similares salvo nos lugares expresamente autorizados; etc.

3) Realizar necesidades fisiológicas nos espazos públicos agás nas instalacións destinadas especialmente á realización das mesmas.

4) Obstruír o acceso aos portais veciñais ou á entrada de garaxes públicos ou privados de xeito que se impida a súa normal utilización.

5) Timbrar indiscriminadamente nos portais dos edificios de xeito que se impida o descanso nocturno.

6) Golpear o mobiliario urbano ou os residuos existentes na vía pública producindo unha notable afección acústica que, resulte inadmisible, a xuízo da policía local.

ARTIGO 19.—DAS SANCIÓNIS

Polas infraccións previstas nesta Ordenanza imponse as seguintes sancións:

1) Infraccións leves: multa de 300 € ata 750 €.

2) Infraccións graves: multa de 751 € ata 1.500 €.

3) Infraccións moi graves: multa de 1.501 € ata 3.000 €.

ARTIGO 20.—DA GRADUACIÓN NA IMPOSICIÓN DAS SANCIÓNIS

A imposición das sancións previstas nesta Ordenanza terá en conta o principio de proporcionalidade e, en todo caso, os seguintes criterios de graduación:

1) A gravidade e transcendencia da infracción.

2) A existencia de intencionalidade.

3) A natureza dos prexuízos causados.

- 4) A reincidencia.
- 5) A reiteración.
- 6) A capacidade económica da persoa infractora.
- 7) Beneficio obtido.

Enténdese que existe reincidencia, cando se cometa no prazo dun ano mais dunha infracción administrativa da mesma natureza e tivese sido declarada por resolución firme en vía administrativa.

Existe reiteración cando a persoa responsable xa ten sido sancionada por infracción desta Ordenanza o cando estanse a instruir outros procedementos sancionadores por infracción desta Ordenanza.

ARTIGO 21.—SUBSTITUCIÓN DAS MULTAS

As sancións económicas impostas pola comisión de infraccións graves ou leves en aplicación desta Ordenanza poderán ser substituídas:

1) Se o infractor acepta a realización de traballois ou actividades en beneficio da comunidade que se establezan, de se lo caso, polo Concello. En ningún caso, as prestacións en beneficio da comunidade, poderán consistir en tarefas propias do persoal municipal.

2) Se o infractor participa en cursos ou sesións formativas que puideran impartirse sobre convivencia cidadá e civismo ou sobre consumo de alcohol e os seus efectos nocivos para a saúde que determine o Concello.

Estas medidas poderán ser adoptadas sempre que medie o consentimento previo do interesado ou dos seus representantes legais. Non obstante, no caso de inasistencia aos cursos, sesións formativas, traballois ou actividades en beneficio da comunidade, ou incumprimento do compromiso polo infractor, procederá executar a correspondente sanción pecuniaria.

ARTIGO 22.—REPARACIÓN DOS DANOS

As sancións contidas neste título enténdense sen prexuízo de que o Concello poida reclamar, polas vías legais que sexan de aplicación, as indemnizacións polos danos sufridos polo seu patrimonio como consecuencia de actos vandálicos cometidos con ocasión de actividades regulamentadas nesta Ordenanza.

ARTIGO 23.—PRESCRIPCIÓN DAS INFRACCIONES E DAS SANCIÓNS

As infraccións moi graves prescribirán aos tres anos, as graves aos dous anos e as leves aos seis meses da súa comisión.

As sancións impostas por faltas moi graves prescribirán aos tres anos, as impostas por faltas graves aos dous anos e as impostas por faltas leves ao ano.

O prazo de prescripción das infraccións comezará a contarse a partir do día no que se tivese cometido a mesma e interrómpese desde o intre no que o procedemento se dirixa contra o presunto infractor.

O prazo de prescripción das sancións comezará a contarse desde o día seguinte a aquel no que adquirira firmeza a resolución pola que se impón a sanción.

ARTIGO 24.—DESTINO MULTAS

O importe económico das sancións obtidas por aplicación desta Ordenanza, quedará afecto e deberá destinarse integralmente a mellorar nas súas diversas formas o espazo urbano como lugar de encontro de convivencia ou ben, a financiar campañas municipais formativas, educativas e informativas, especialmente dirixidas á xuventude, para concienciar á cidadanía sobre os efectos nocivos que o consumo abusivo do alcohol e outras drogas teñen na saúde.

ARTIGO 25.—APRECIACIÓN DELITO OU FALTA.

Cando as condutas a que se refire esta Ordenanza puideran constituír infracción penal, remitiranse ao ministerio fiscal ou á autoridade xudicial que corresponda, os antecedentes necesarios das actuacións practicadas.

DISPOSICIÓN DERROGATORIA

Quedan derrogadas cantas disposicións municipais de igual ou inferior rango se opoñan ao previsto nesta Ordenanza.

DISPOSICIÓN FINAL PRIMEIRA

No que non estea previsto nesta Ordenanza estará ao disposto na normativa estatal, autonómica ou local que resulte de aplicación.

DISPOSICIÓN FINAL SEGUNDA

Conforme ao establecido nos artigos 70.2 e 65.2 da Lei 7/1985, de 2 de abril, Reguladora das Bases de Réxime Local, esta Ordenanza entrará en vigor aos quince días da súa publicación completa no Boletín Oficial da Provincia de Pontevedra, unha vez aprobada definitivamente polo Pleno da Corporación e rexerá en tanto non se acorde a súa modificación ou derogación.

DISPOSICIÓN FINAL TERCEIRA

A Alcaldía Presidencia do Concello de Vigo queda facultada para ditar cantas instrucións resulten precisas para a adecuada interpretación e aplicación desta Ordenanza.

Vigo, a 31 de marzo de 2009.—O Concelleiro Delegado de Mobilidade, Seguridade e Transportes, Xulio Calviño Rodríguez. **2009003722**

XUNTA DE GALICIA
Consellería de Medio Rural
DEPARTAMENTO TERRITORIAL
PONTEVEDRA
E D I C T O

Recibido neste Servizo de Conservación da Natureza, sentenza xudicial en firme de modificación do límite entre os montes comunais de Barcia do Seixo e Seixido, acompañada da solicitude de modificación, presentada polo representante do Tecor denominado Monte Seixo, PO-10.180, para que se lle conceda a modificación do límite entre os Tecores Monte Seixo e Xesta-Seixido do concello de A Lama, polo presente edicto, faise público que o expediente está a disposición de todos aqueles que poidan ter interese nel na Delegación Provincial da Consellería de Medio Rural, Servizo Provincial de Conservación da Natureza, na rúa Fernández Ladreda, 43-4^a planta, durante un prazo dun mes, contado a partir da data de publicación deste edicto, podendo formular as alegacións que estimen oportunas.

O que se fai público en virtude do disposto no artigo 14.2 da Lei 4/97 de Caza de Galicia.

Pontevedra, 5 de xuño de 2009.—O xefe territorial, Gerardo Zugasti Enrique. 2009006652

A Y U N T A M I E N T O S
V I G O
A N U N C I O

A Xunta de Goberno Local, en sesión extraordinaria de 11 de xuño de 2009, adoptou o seguinte acordo:

Primeiro.—Declarar, ao abeiro do establecido no artigo 6 en relación co artigo 5.1 da ordenanza municipal reguladora da convivencia cidadá e o ocio do termo municipal de Vigo, como zonas protexidas as seguintes rúas e tramos de rúas:

- A rúa Ecuador no seu tramo comprendido entre as rúas Simón Bolívar e Finisterre.
- A rúa Venezuela no seu tramo comprendido entre as rúas Simón Bolívar e Finisterre.
- A rúa Simón Bolívar no seu tramo comprendido entre as rúas Ecuador e Venezuela.
- A rúa Panamá no seu tramo comprendido entre as rúas Ecuador e Venezuela.

— A rúa Joaquín Loriga no seu tramo comprendido entre as rúas Ecuador e Venezuela.

— A rúa Finisterre.

Segundo.—Prohibir con carácter xeral, as 24 horas do día e tódolos días da semana, a permanenza e concentración de persoas nestes espazos abertos que se atopen consumindo bebidas de calquera tipo ou realizando outras actividades alterando gravemente a pacífica convivencia cidadá.

Terceiro.—Sinalizar verticalmente a zona declarada como protexida.

Cuarto.—Declarar, ao non se presentar ningunha reclamación ou suxestión durante o período de información pública, definitivamente aprobado o acordo da Xunta de Goberno Local de 20 de abril de 2009.

Quinto.—Publicar o presente acordo no BOP segundo establecido no artigo 59.6.a) da Lei 30/1992, de 26 de novembro, de réxime xurídico das administracións públicas e do procedemento administrativo común, que producirá efectos ao día seguinte da devandita publicación.

Indicar aos interesados/as que o acordo que se notifica pon fin á vía administrativa ao abeiro do disposto no artigo 109.c) da Lei 30/1992. Contra este acto administrativo poderá interpoñerse recurso potestativo de reposición ante o mesmo órgano que o ditou no prazo de un mes contado a partir do día seguinte ao da presente notificación, de acordo co disposto nos artigos 116 e 117 da Lei 30/1992. Asemade, poderá interpoñerse directamente recurso contencioso-administrativo perante o Xulgado do Contencioso-Administrativo de Vigo segundo o previsto nos artigos 1, 8, 25.1, 46.1 da Lei 29/1998, do 13 de xullo, reguladora da xurisdición contencioso-administrativa, 116 e concordantes da Lei 30/1992, no prazo de dous meses contados dende o día seguinte ao da presente notificación; sen prexuízo da interposición polo/a interesado/a de calquera outro recurso que estime procedente conforme a Dereito.

Vigo, a 11 de xuño de 2009.—Xulio Calviño Rodríguez. 2009006711

* * *

A CAÑIZA

A N U N C I O

A Xunta de Goberno Local do Concello da Cañiza (Pontevedra) en sesión celebrada na data 10/06/2009 aprobou inicialmente o expediente para o cambio de sistema de actuación na Área de Reparto núm. 3 (AR-3) do PXOM, fixándose o sistema de actuación de compensación para a execución do planeamento nese ámbito.

A N U N C I O

A Xunta de Goberno Local, en sesión ordinaria de 14 de setembro de 2009, adoptou o seguinte acordo (expte. nº 76467/210/2009):

"PRIMEIRO: Con base no informe-proposta da Xefa do Servizo de Seguridade de 11 de setembro de 2009, transcrito na parte expositiva deste acordo, desestimar integralmente a alegación presentada en data 12.08.2009, con doc. nº 90.119.072, pola Asociación De Comerciantes E Hosteleiros Vigo-Vello CCA.

SEGUNDO: Con base no informe-proposta da Xefa de Servizo de Seguridade de 11 de setembro de 2009, transcrito na parte expositiva deste acordo, desestimar integralmente a totalidade das alegacións presentadas en data 14.08.2009.

TERCEIRO: Declarar, ao abeiro do establecido no artigo 6 en relación co artigo 5.1 da Ordenanza Municipal reguladora da convivencia cidadá e o ocio do termo municipal de Vigo, como zonas protexidas as seguintes rúas e prazas:

- Praza da Ribeira do Berbés.
- Rua Teófilo Llorente.
- Praza da Pedra.
- Rúa Pescadería.
- Praza da Igrexa da Colexiata.
- Praza de Almeida.
- Rúa Real e as catro baixadas que comunican dita rúa con Teófilo Llorente.

CUARTO: Prohibir con carácter xeral, as 24 horas do día e tódolos días da semá, a permanenza e concentración de persoas nestes espazos abertos que se atopen consumindo bebidas de calquera tipo ou realizando outras actividades alterando gravemente a pacífica convivencia cidadá.

QUINTO: Sinalizar verticalmente a zona declarada como protexida.

SEXTO: Publicar o presente acordo no BOP segundo establecido no artigo 59.6.a) da Lei 30/1992, de 26 de novembro, de réxime xurídico das administracións públicas e do procedemento administrativo común, que entrará en vigor ao día seguinte da devandita publicación.

Indicar aos interesados/as que o acordo que se notifica pon fin á vía administrativa ao abeiro do disposto no artigo 109.c) da Lei de Réxime Xurídico das Administracións Públicas e do Procedemento Administrativo Común 30/1992, de 26 de novembro. Contra este acto administrativo poderá interpoñerse recurso potestativo de reposición ante o mesmo órgano que o ditou no prazo de un mes contado a partir do día seguinte ao da presente notificación, de acordo co disposto nos artigos 116 e 117 da Lei 30/1992.

Asemade, poderá interpoñerse directamente recurso contencioso-administrativo perante o Xulgado do Contencioso-Administrativo de Vigo segundo o previsto nos artigos 1, 8, 25.1, 46.1 da Lei 29/1998, do 13 de xullo, reguladora da Xurisdición Contencioso-Administrativa, 116 e concordantes da Lei 30/1992, no prazo de dous meses contados dende o día seguinte ao da presente notificación; sen prexuízo da interposición polo/a interesado/a de calquera outro recurso que estime procedente conforme a Dereito."

O Concelleiro Delegado de Mobilidade, Seguridade e Transportes, Xulio Calviño Rodríguez.

2009010237

* * *

BAIONA

E D I C T O

En data 15/09/2009 aprobouse por resolución da alcaldía as bases de convocatoria dunha praza de Ordenanza Notificador do Concello de Baiona vacante na plantilla de persoal funcionario e incluída na Oferta Pública de Emprego do ano 2008. O que se publica consonte o artigo 6 do Real decreto 896/1991, do 7 de xuño.

BASES QUE REGULAN A CONVOCATORIA DE PROCESOS SELECTIVOS PARA CUBRIR UN POSTO VACANTE DE ORDENANZA NOTIFICADOR DO CONCELLO DE BAIONA INCLUIDO NA OFERTA DE EMPREGO PÚBLICO DO ANO 2008.

I.—BASES XERAIS

Primeira. Obxecto da convocatoria

Convócase unha praza de ordenanza notificador dotada coas retribucións básicas correspondentes o seu grupo de titulación e as complementarias asignadas ao posto de traballo ao que se adscriba a praza.

Segunda. Número e características das prazas convocadas.

O número de postos de traballo vacantes, a súa denominación e características relaciónnanse a continuación:

- * Unha praza de ordenanza notificador coas seguintes características:

Grupo E:

Escala de Administración Xeral

Subescala administrativa

Número de vacantes: unha

Oferta de Emprego Público de 2008

Terceira. Sistema de selección

Establécese o sistema de concurso-oposición.